

« costé de matin, faire une table d'attente de bonne pierre
« de saint Cire, la plus noire que faire se pourra, polie et
« lustrée en forme de marbre, y graver les lettres qui luy
« seront baillées par lesdicts sieurs, icelles lettres et escrit-
« tures dorées, et faire toute l'architecture a l'entour de
« ladicte table, figures et armoiries, le tout de pierre
« blanche suivant les modeles paraphés par lesdicts sieurs
« pour tout le contenu au present prisfaict. Laquelle table
« d'attente sera de cinq pieds et demy de long et de haul-
« teur troys pieds, et l'œuvre estant parfaicte sera la haul-
« teur neuf pieds et de largeur hors œuvre huict pieds et
« demy.

« *Item*, sur, le grand portail de la porte du college de la
« Trinité, faire une table d'attente de cinq pieds et demy
« de long et de haulteur quatre pieds, de bonne pierre
« noire de saint Cire, polie, lustrée en forme de marbre,
« y graver les lettres qui luy seront baillées par lesdicts
« sieurs, icelles lettres et escrittures dorées, et faire tout
« l'architecture a l'entour de ladicte table, figures et armoi-
« ries, le tout de pierre blanche, sauf et reservé de changer
« des figures du frontspice (*sic*) et aultres figures que
« celles qui sont au modelle paraphé par lesdicts sieurs
« comme dessus.

« Toutes lesquelles œuvres et choses mentionnées ledict
« preneur aprouve et promect de rendre faictes et posées
« aux lieux cy dessus mentionnes, fournir fer, plomb et
« tout ce qui sera necessaire sans que lesdicts sieurs Pre-
« vost des Marchans et Eschevins soient tenus luy fournir
« aulcune chose pour icelle, poser le tout bien et deument
« en bonne et deue forme a dicte de maistres experts et
« gens a ce cognoissans.

« Pour et payement le prix et somme de troys cens